

續

觀

感

錄

續觀感錄序

國初周是修先生嘗哀古今忠孝節義若
于人曰觀感錄無何以身死國錄竟弗傳
君子惜之鵬每讀書見所謂忠孝節義者
續而傳焉所以成先生之志也凡三代以
上及事跡顯顯著聞者不錄漢唐以來卑
官下吏女婦廝役或優伶夷虜入微而事
隱散見雜出於紀傳非世所恒見者則錄

之所以見人性之皆善夫人可以觀感而
興起以趨於天理民彝之正使三綱不淪
九法不斁則於

國家崇化導民之意未必無補而先生忠
魂義魄亦將慰于地下矣朝列大夫浙江
布政使司左叅議崑山後學方鵬拜書

欽定四庫全書
通鑑纂要目錄

卷之一

兩漢

三國

卷之二

東西晉

南北朝

卷之三

隋

唐

卷之四

唐

五代

卷之五

宋

卷之六

宋

卷之七

南宋

卷之八

南宋

卷之九

金

元

卷之十

元

卷之十一

國朝

卷之十二

國朝

續觀感錄目錄 終

續觀感錄卷之二

崑山方鵬編集

西蜀張元電校刊

兩漢

三國

高祖過趙趙王敖旦暮自上食有子婿禮高祖箕踞罵詈甚慢之趙相貫高怒說敖曰王事帝甚恭帝遇王無禮請殺之敖嚙其指出血曰君何言之誤願君無復出口高等十餘人私相謂曰吾王長者不背德今帝辱我王故欲殺之何迺汗王乎事成則歸王事敗獨身坐耳上復過趙高等乃壁人而刺之上心動不宿去高怨家知其謀告之上還捕趙王及諸反者十餘人皆爭自剄高罵曰王實無謀公

等死誰當白王不反者乃檻車與王詣長安高對獄曰獨吾
屬為之王不知也吏榜笞數千刺剝身無完者終不異詞廷
尉以高辭聞上曰壯士誰知之者泄公曰臣素知之此固趙
國立名義者也上使泄公持節問之高曰人情豈不各愛其
父母妻子哉今吾三族皆論死豈以王易吾親哉顧王實不
反獨吾等為之具道所以王不知狀於是泄公具以報上上
迺赦趙王上賢高使泄公赦之高曰所以不死者白王不
反耳今王已出吾責塞矣豈有面目復事上哉絕肱而死
彭脩字子陽毗陵人年十五父為郡吏得休與脩俱歸道為
賊所劫脩困迫乃拔佩刀前持賊帥曰父辱子死爾寧得
獨生邪賊相謂曰此童子義士也不宜逼之遂謝去後州

辟脩為從事時賊張子林數百人作亂修與太守俱出討賊賊望見車馬競交射之飛矢雨集修以身障扞太守為流矢所中而死太守得全賊素聞修恩信即殺射修者餘悉散降曰吾為彭君降非為太守也

漢中程文矩妻李氏字穆姜有二男文矩為安衆令喪於官前妾四子興等以母非所生疑怨日積穆姜慈愛撫字衣食資給皆倍於所生或謂母曰四子不孝甚矣何不別居以遠之對曰吾欲以義相感使其遷善也及興遇疾困為母親調藥膳恩情周密與疾久乃瘳呼三子謂曰繼母慈仁如此吾兄弟不識恩養禽獸其心我曹過惡亦已深矣遂同三弟自詣南鄭獄陳母之德狀已之過乞就刑辟縣

言之於郡郡守表異其母竊除家徭散遣四子許以自新
自後訓誡愈明並為良士穆姜年八十餘卒

邵陽任延壽之妻李兒兄季宗與延壽有隙延壽陰殺之會
赦得免乃以告季兒季兒遂號哭求去延壽慙曰汝何不
殺我季兒曰殺夫不義事兄之讐亦不義然兄死而讐不
報與子同枕席而使殺吾兄吾罪大矣何回目以生乎遂
自經而死馮翊王讓聞之大其義令縣來其墓

後漢書

許荆者許世并父也世嘗報仇殺人怨家會衆操兵至荆家
欲殺世荆時為會稽郡掾從府休歸因出門長跪曰姪前
無狀相犯得罪寔在荆不能素教兄既早沒一子為嗣忍令
死者至於臧絕荆領殺身代姪塞訟雖死以往猶謂更生

怨家扶起荆曰許掾郡中稱為賢吾何敢相侵因遂委去
戴就字景成上虞人仕會稽郡金曹掾刺史歐陽參與郡太
守成得隙奏其贓私遣部從事薛安來鞠安收就於錢
塘獄考掠之五毒備至令就証証浮罪就慷慨直辭顏色
不變主者窮竭慘酷無復餘方乃卧就覆舡下以馬蓋薰
之一日夜皆謂已死舡視之就方張眼罵曰何不益大
而使早絕主者大驚以白守安步見就謂曰太守罪穢狼
籍受命考訊君乃何故以軀命捍之邪就據地荅言太守
剖符治郡誓當以死報國素無贓穢卿雖銜命固宜申斷
寃毒柰何誣枉患良強相掠理令臣謗其君子諱其父就
考死之日當白於天如蒙更生亦手刃相裂決不恐使太

守無辜而死也妻棄其壯節即解械釋之浮亦得免

王青者東郡吏也祖文翁與前太守翟義起兵討王莽義敗
餘衆悉降文翁獨守節力戰莽遂燔燒之父隆建武初爲
都尉功曹青爲小吏與父俱從都尉行縣道遇賊隆以身
捍都尉遂死於難青因救父亦被賊矢貫咽郡太守張酺
歎曰豈有一門忠義而爵賞不及乎乃上疏薦青三世死
節宜蒙顯異由此爲司空所辟

群書集事

杜林字伯山扶風人博洽多聞時稱通儒初爲郡吏王莽時
避亂河西隗囂素聞林志節深相敬待以爲治書林終不
屈節第成物故林乞特喪葬聽其歸既遣而悔追令刺客
楊賢於隗城邀殺之賢見林身推鹿車載致弟喪哀苦萬

狀廼歎曰我雖小人何忍殺義士耶因亡去史臣曰忠信
篤敬蠻貊行焉故趙孟懷忠匹夫成其仁杜林行義烈士
假其命易曰人之所助者順也信不誣矣 本傳

建武二年大封功臣陰識者貴人之兄也有功當封識扣頭
諫曰臣託屬掖庭仍加爵邑不可以示天下九年帝復召
陰與欲封之置印綬於前與因讓曰臣未有登陣陷陳之
功而一家數人並蒙爵土令天下失望誠所不願貴人聞
其故與曰外戚之家不知退讓嫁女欲配侯王娶婦聘
公主愚心實不安也夫富貴具有極人當知足驕奢益為
觀聽所譏不可不慎也貴人稱歎久之嗟乎戚里寵幸情所
易狎也而能謹之幾微隱攝理所難測也而能知之封爵

利祿人所同欲也而能辭之職與與有三美矣使人人死
臻其美何至有外戚之患哉 通史補遺

李善字次孫清陽人同縣李元蒼頭也建武中元一家俱瘦
死唯孤兒續始生數旬而費財千萬諸奴婢私共謀議欲
殺續以分其財善深傷李氏而力不能制乃潛負續逃隱
瑕丘界中親自哺養乳為生漣推燥居濕備嘗艱苦續雖
在孩抱奉之不異長君有事輒長跪請白然後行之閭里
感其行皆相率脩義續年十歲善奉之歸本邑修理舊業
告奴婢私長吏悉收治之時鍾離意為瑕丘令上書薦善
行狀詔拜善及續並為太子舍人善再遷日南太守從京
師之官道經清陽過李元家未至一里乃脫朝服持鋤去

草及拜墓哭泣甚悲身自炊爨執鼎俎以修祭祀伏坑泣
曰君夫人善在此盡哀數日乃去到官以愛惠為政遷九
江太守績至河間相 漢書

楊政字子行光武時從范升受梁丘易後升為出婦所告坐
繫獄政乃肉袒以箭貫耳抱升子潛伏道傍候車駕叩頭
曰范升三娶唯有一子今終三歲孤立可哀武時虎賁懼
驚乘輿舉弓射之猶不肯去撓頭又以戟又政傷脅政猶
不退涕泣哀請有感帝心遂詔出升 群書集事

廉范字叔度永平初罷西太守鄧融辟為功曹會融為州所
按范知事難解乃托病求去融不達其意大恨之范乃東
至洛陽變姓名求為廷尉獄卒未幾融果下獄范遂得衛

侍左右盡心勤勞融怪其貌類范而殊不意乃謂曰卿何似我故功曹邪范訶止之融出獄因病范隨而養視及死身自稅車送喪至南陽塋畢乃去又嘗師事薛漢後漢坐楚王事誅故人門生莫敢視范獨往收歛之吏以聞帝大怒召范入詰責曰汝收歛罪人何也范叩頭曰臣不勝師友之情罪當萬死帝怒稍解

後漢書

繆彤字豫公汝南召陵人也和帝時仕縣為主簿時縣令被劾見考吏皆畏懼自誣而彤獨證據其事拷掠苦毒體生蟲蛆因復傳換五獄踰涉四年終不易口令得以自免太守隴西梁湛召為決曹史湛病卒于官彤送喪還隴西始塋會西羌反叛湛妻子悉避亂它郡彤獨留不去為起墳

塚乃潛穿塚旁以為窟室晝則隱窺夜則負土及賊平而墳已成湛妻子意彤已死還見大驚關西咸稱傳之共給車馬衣資彤不受而歸

趙岐桓帝時為皮氏長唐衡兄弟欲殺之因從官舍逃走至河間又轉詣北海常於市中販胡餅孫賓碩乘車入市觀見岐疑其非常人也因問之曰自有餅邪販之邪岐曰販之賓碩曰視處士之望非似賣餅者乃開車後戶扶上之時岐恐其為唐氏耳目也面失色賓碩曰處士狀貌不凡而面色變動即不有重禍當亡命耶我北海孫賓碩也聞戶百口勢能相容終不相負必語我以故岐乃具告之賓碩遂載岐同歸住車門外先入白母乃出延岐入飲酒相

娛樂一二日因載貲別曰舍藏置複壁中後數月衡及弟
皆死岐乃得出還本郡仕至太僕賓碩亦仕至刺史初平
末賓碩以東方飢荒南客荊州岐持節使荊州乃復與賓
碩遇相對流涕岐為劉表陳其本末由是益禮賓碩頃之
賓碩病亡岐為之持服行喪盡禮 俱後漢書

荀氏名采潁州荀爽女也陰瑜娶以為妻聰敏有才藝年十
九而寡無子後爽詐病召采強以嫁同郡郭奕采懷刃將
自殺爽命侍婢奪之既至因入浴掩戶以粉書扉曰屍還
陰氏遂自縊死又有同宗荀小女名灌父崧襄城太守為
杜曾所圍欲求救於故吏平南將軍石覽計無從出灌時
年十三乃率勇士數十人踰城夜突出詣覽乞師又為崧

書與南中即將周訪請援覽與訪合力救之遂解圍

一統

郭亮字恒直桓帝時常師事李固及固與杜喬為梁冀所誅
露其尸於四衢令有敢臨者加其罪亮年始成童乃上書
乞收固尸不許因往臨哭陳辭於前遂守喪不去夏門亭
長呵之曰何等腐生公犯詔書干試有司乎亮曰義之所
動豈知性命何為以死相懼太后聞而不誅時楊匡為柱
喬掾聞喬死號泣星行到洛陽乃著赤幘託為夏門亭吏
守衛尸喪驅護蠅蟲積二日都官從事執之以聞太后義
而不罪匡詣闕上書并乞李杜二公骸骨太后許之成禮
殯歛送喬喪還家

後漢書

伍孚字德瑜漢靈帝時人少有大節為郡門下書佐其本邑

長有罪太守使乎書救命督郵收之乎不肯受教伏地仰
諫曰君雖不君臣不可不臣明府柰何令乎書救收本邑
長乎乞更授他吏太守竒而聽之後大將軍何進辟為東
曹屬稍遷侍中河南尹越騎校尉獻帝時董卓作亂百僚
震慄乎著小鎧於朝服裏挾佩刀入見卓欲伺便刺殺之
語畢辭去卓送至閣以手撫其背乎因出刀刺之卓多力
退卻不中即收乎卓曰卿欲反邪乎入言曰汝非吾君吾
非汝臣何反之有汝亂國篡主罪盈惡大故來誅姦賊耳
恨不車裂汝於市朝以謝天下卓大怒殺乎 高義錄

孝童子程來年十四歲時父程叔病歿抱伏叔尸號泣悲哀
口乾氣少喘息裁屬舅傭哀其羸劣嚼棗肉以哺之童子

見食噓唏不能吞咽麥飯寒水亦不肯用舅偃誘勸百方
哽咽益甚是後精美異味遂不入口常在柩旁耳聞父名
目應以淚前太守文穆召署孝義童子云以父未葬不能
止府舍後太守復召之來見童子顏色瘦小應對甚詳守
問樂為吏否童子垂泣求去願歸喪所太守爲設食但用
麥飯寒水不食肥膩舅本以田作爲事舊非學者其至行
發於自然耳 蔡邕文集

安父皇甫規妻善屬文能草書及規卒時年盛而色美董卓
聞其名聘以駟轎百乘妻乃輕服詣卓門跪自陳請辭善
酸愴卓使奴婢侍者悉拔刀圍之而謂曰孤之威教欲令
四海風靡有不行於一婦人手妻知不免廼立罵卓曰君

羌胡之種毒害天下猶未足邪皇甫氏文武上才為漢忠
臣君非吾家走吏乎敢欲行非禮於爾若夫人邪卓廼引
車庭中以其頭縣靴鞭撲交下妻謂持杖者曰何不重乎
遠盡為意遂死車下

列女傳

臧洪字子源廣陵人舉孝廉太守張超請為功曹時董卓弑
帝圖危社稷洪說超誅之超廼與諸牧守會酸棗設壇將
盟更相辭讓莫敢先登洪廼攝衣升壇而盟辭意慷慨聞
其言者莫不激揚超遣洪與劉虞共謀值幽冀交兵行塗
阻絕因寓於袁紹紹奇之與結友好時曹操圍張超於雍
丘甚急超謂軍吏曰臧洪天下義士必來救我洪聞超困
廼徒跣跣泣將赴其難自以衆弱從紹請兵紹竟不聽超

城遂陷洪由是怨紹絕不與通紹與兵圍之城陷執洪洪
瞋目罵紹紹命殺之洪邑人陳容少為諸生親慕於洪時
容在坐見洪臨刑起謂紹曰夫仁義豈有常所蹈之則為
君子背之則為小人今日寧與賊洪同日死不與將軍同
日生也遂復見殺在坐者無不歎息 本傳

許昇妻者呂氏之女也字榮昇少為博徒不理操行榮嘗躬
勤家業以養其姑教勸昇修學每有不善輒流涕進諫榮
父積忿疾昇乃密召榮歸欲改嫁之榮歎曰命之所遭義
無再適不肯歸昇感激自厲乃尋師遠學遂以成名尋被
本州辟命行至壽春道為盜所害刺史尹耀捕盜得之榮
迎喪於路聞而詣州請甘心讐人榮手斷其頭以奉昇

奉屍歸在歲餘姑亡夫族多散聘之誓不再嫁黃帝賊來
竇欲千穢之榮踰垣而走賊拔刀追之曰從我則生禁曰
不從寧死無悔寇遂殺之是日疾風暴雨雷電晦冥賊惶
懼叩頭謝罪太守遣主簿祭之又出錢助縣為塋於嘉興
郡北名曰義婦阪 郡誌

婦人女子婉孌閨房以柔順靜專為德其遇哀而悲臨事而
或蹈死而懼蓋所當然爾至於能以義斷恩以智決策轉
旋大事視死如歸則幾於列丈夫矣馬超叛漢殺刺史京
州叅軍楊阜往見妻叔與議討賊叔白其母母曰刺史遇
難亦汝之責但當速餐勿復顧我叔乃與趙昂合謀討超
先是超取昂子月為質昂謂妻異曰當奈何異曰雪君

父之大壯鄉死不足為重况一子哉起襲得叙母母罵之
曰汝能殺君天地豈容汝敢以面目視人手起殺之并
殺月嗚呼其義風英氣尚靈靈有生意也 客齋隨筆

徐氏者丹陽太守孫翊之妻也建安九年丹陽督鵠覽承戴
負殺翊覽遂欲逼娶徐氏徐給之曰須乞晦日設祭除服
然後聽命潛使所親約翊舊將孫高傳嬰等與共圍覽高
嬰涕泣許諾密呼翊素親信者二十餘人與盟誓各謀晦
日設祭徐哭泣盡哀畢乃除服薰香沐浴言笑懽悅覽密
察無復疑意徐預呼高嬰置戶內使人召覽入適得一拜
徐氏大呼二君可起高嬰俱出共殺覽二十人即就外殺
負徐乃還服縗經奉覽負首以祭翊墓一軍震駭夫稱覽

而緩其逼有應變之權決計復仇有理義之要約夫蕭
共與圖竟有知人之智終喪而後舉事奉仇首而祭夫之
墓則又勇智並行理義兼盡者也雖烈丈夫何以過哉

通史補遺

傳彤漢之裨將也章武二年昭烈自正月與陸遜相拒至六
月不決遜乃敕諸軍同時俱攻破四十餘營帝升馬鞍山
陳兵自統遜促兵四面蹙之死者萬數時彤獨為後殿衆
衆盡死彤氣益烈吳人欲降之彤罵曰吳狗死即死耳安
有漢將軍而降賊者哉遂遇害夫彤一持戟之士耳當三
國戰爭之時乃能識昭烈為漢胄冀其恢復不幸收北
路義而死觀其罵賊之言迨今凜凜尚有生氣豈若附奸從

亂之徒橫死鋒鏑同腐草朽木而無聞者所可方哉

通史補遺

魏太祖卽后文帝母也本倡家女年二十太祖納為妾後隨太祖至洛及董卓為亂太祖微服東出避難表術傳太祖出問時左右在洛者皆欲歸后止之曰曹公言出未可知今日還明日若在何面目復相見也正使禍至當共死此耳衆遂從后言太祖聞而善之建安初丁夫人廢遂以后為繼室初丁夫人既為嫡視后母子不足后為繼室不念舊惡因太祖出行常四時使人饋遺又私迎之延以正坐而已下之迎來送去有如昔日丁謝曰廢放之人夫人何能爾邪其後丁已后請太祖厚葬之后性儉約不尚華嚴

無文繡珠玉器皆黑漆太祖常得名璫數具命后自選后
取其中者太祖問其故對曰取其上者為貪取其下者為
偽故取其中者后每隨軍征行見高年白首輒往車呼問
賜與絹帛對之涕泣曰恨吾父母不及見我也每見外親
不假以顏色常言居處當務節儉不當賞賜外戚吾族人
恠我遇之太薄吾自有常度故也

魏書

范曄咸熙中為大宰中郎司馬炎廢魏主芳為陳留王而代
之為帝也曄素服拜送魏主哀動左右遂稱疾陽狂其言
寢所乘車足不履地子孫有大事輒密諮稟事合者則色
無變不合則眠食不安子喬等侍疾家庭足不敢出邑里
晉嘗詔以二千石祿養病加賜帛百疋喬辭不受曄不言

凡三十六年年八十四終於所寢之車

五倫書

賢母習氏吳丹陽太守李衡之妻也初衡為武昌渡長時校
事即呂壹操弄權柄大臣莫敢言因薦衡為郎以制之衡
乃口陳呂壹奸短數事太祖有媿色壹果敗伏誅衡大見
顯用累遷丹陽太守時琅邪王在丹陽郡家人淫放衡悉
以法繩之習氏常諫不可衡不從尋而王立為帝衡憂懼
謂妻曰不用卿言至此今奔魏何如妻曰不可居本_君庶人
先帝賞拔至此若自逃叛求活何面目見士大夫乎且琅
邪王素好善終不以私嫌殺君明矣君可自囚詣獄表陳
前罪必當見原衡從其言果免罪衡欲為子孫儲業妻輒
不聽曰財聚則禍生以禍遺子豈賢者所為衡遂不言後

密使家人於江陵洲上種柑橘千樹臨死勅曰汝母每
勸吾勿治家故貧如此然吾置有千頭木奴當足爾用衡
子後兒以白母母曰此當是柑橘也每見汝父稱太史公
言江陵千樹橘可比封侯吾答云人患無德不患不富貴
若貴而能貧方好耳用此何為今無乃是耶子訪得之聊
以自給

金陵志

魏張就燉煌郡曹恭之子也曹操時恭遣就赴京師白事過酒
泉遙叛軍黃華等作亂執就囚之冀其父同反就不屈密與
父書曰父守燉煌忠義素聞勿以就故遽改臣節就寧死不
顧大人念子也恭得書奮兵擒殺華等就亦得免群書集事

續觀感錄卷之一

續觀感錄卷之二

崑山方鵬編集

西蜀張元電校刊

東西晉 南北朝

劉殷字長盛新興人也曾祖母王氏盛冬思堇而不言食不飽者一旬矣殷恠而問之王言其故殷時年九歲乃於澤中慟哭聲不絕半日於是忽若有人云止止殷收淚視地便有堇生因得斛餘而歸又嘗夜夢人謂之曰西籬下有栗寤而掘之得栗十五種銘曰七年栗自是食之七載方盡司空齊王攸辟為掾征南將軍羊祜召參軍事皆以疾辭同郡張宣子識達之士也勸殷就徵殷曰吾祖母在堂

既應其命必竭臣節便不得就養宣子曰是豈庸人所能
識哉遂以女妻之宣子家富於財其妻怒曰我女年始十
四資質如此何慮不得為公侯妃而遽以妻劉殷乎宣子
曰非爾所及也誠其女曰劉殷至孝兼才識超絕終當名
世汝謹事之女性亦婉順事祖姑以孝聞奉殷如君父焉
及王氏卒殷夫婦毀瘠幾至滅性後生七子各授一經一
門之內七業俱興北州之學殷門為盛

顏含字弘都少有操行尤類畿晉咸寧中得疾就醫治療遂
死於醫家家人迎喪旛每繞樹而不可解引喪者顏仆稱
畿言曰我尚未死但服藥太多傷五臟耳今當復活慎無
葬也其父曰若爾有命復生豈非骨肉所顧今欲還家

不爾壘也。旆乃解及還。母欲開棺而父不聽。含時尚少哀。請于父。乃共發棺。果有生意。然氣息甚微。飲哺將護累月。猶不能語。闔家營視。頓廢生業。雖在母妻。不能無倦。含乃絕棄人事。躬親侍養。足不出戶者十有三年。石崇重含淳行。贈以甘旨。含謝不受。曰。病者綿昧。生理未全。既不能進。噉又安敢。謬留歲竟不起。

俱晉書

孫拯字顯世。富春人。為平原內史。陸機司馬時。官人孟玖弟超並為成都王穎所寵。超為小都督。縱兵大掠。機戮其主者玖。怒遂譖于穎。言機有異志。穎使人收機。遂與弟雲俱遇害。拯訟機雲冤。因下獄。考掠拯兩踝骨。見終不變。辭吏民知拯義烈。謂曰。二陸之枉。誰不知之。君可不愛身乎。拯

仰天歎曰陸氏兄弟世之奇才吾蒙其知愛今既不能救其死忍復從而誣之乎遂同被害極門人賞慈寧意詣獄明拯寬頤代極死極譬遣之曰吾義不負二陸死自吾分卿何為爾邪二人曰君不負二陸僕安敢負君玖并殺之本傳趙彭晉故東萊太守也後趙主石勒徵彭為魏都太守彭至泣而辭曰臣往策名晉室食其祿矣犬馬戀主切不敢忘誠知晉之宗廟鞠為茂草亦猶洪川東逝往而不還明公應符受命可謂攀龍之會但受人之榮復事二姓臣志所不為恐亦明公之所不許若賜臣餘年全臣之介名公大造之惠也勒默然張賓曰自將軍神旗所經衣冠之士靡不變節未有能以大義進退者至如此賢危行言遜高於

人遠矣何必使之勒大悅賜安車駟馬而遣之

王彬字世儒晉元帝時族兄敦舉兵入石頭帝使彬勞之會
周顗遇害彬素與顗善先往哭顗甚慟然後見敦敦恠其
容慘問故彬曰往哭伯仁情不能已敦怒曰伯仁自致刑
戮汝復何為者哉彬曰伯仁長者而救後加之極刑所以
傷惋也因勃然數敦曰兄抗旌犯順殺戮忠良謀圖不軌
禍及門戶柰何音辭慷慨聲淚俱下敦大怒厲聲曰汝謂
吾不能殺汝邪時王導在坐為之懼勸彬跪謝彬曰素有
脚疾見天子尚不能拜何跪之有敦曰脚痛孰若頸痛彬
意氣自若殊無懼容敦目左右收彬彬正色曰君住歲害
兄今又殺弟人倫何在邪敦特怒之

羅企生字宗伯初為族仲堪功曹後更為諸葛軍糧玄攻仲堪急企生謂弟遵生曰族侯必敗吾當死生以之仲堪果走文武無送者唯企生從馬路經家門遵生曰作如此分離何可不執手企生迴馬授手遵生有勇力便牽下之謂曰家有老母將欲何之企生揮淚曰今日之事我必死之汝等奉養不失子道一門之中有忠與孝亦復何恨遵生抱之愈急仲堪見企生無脫理策馬而去玄至荊州人士無不詣者企生獨不往惟營理仲堪家或曰禍必至矣企生正色曰我是族侯吏遇以國士不能共殄醜逆致此奔敗亦何面目復就桓求生乎玄聞之大怒即收企生遣人問欲何言答曰從公乞一第以養老母玄引企生於前

曰今日死矣企生對曰自傷力劣不能翦滅凶逆恨死晚也玄遂害之 俱晉書

彭娥宜陽縣彭氏女也永嘉之亂娥父母昆弟皆為賊所害時娥方負器出汲聞賊至走還與賊格鬪賊縛娥驅出溪邊將汚之溪邊有峭壁高數十丈娥大呼曰皇天有神否我豈受辱於賊奴耶遂以首觸后者再山忽開數丈娥即趨入賊迫而逐之山復合賊皆壓死娥遂不知所在所遺汲器化為石形似雞人因呼其山曰石雞山潭曰女娥潭云 郡志

孫法宗吳興人父為孫恩所脅入海被害屍骸不收母兄並餓死法宗年小流離于外至年十六始還吳與軍身勤苦

霜行草宿營辦棺槨葬母及兄儉而中禮以父屍不測入海尋求聞世論至親以血瀝骨當悉滲入乃操刀沿海每見枯骸刻肉灌血如此十餘年臂脛無完膚血肉枯竭終不能逢遂衰經居墓所每腐鹿觸網必解救之償以錢物復忽苦頭創貧無藥療夜有女人至曰我能治之創本不害善人願勿憂也但取牛糞煮之即驗一敷便差人皆謂其至孝為神明所扶耳法宗安貧終身不娶饋遺無所受

郡志

荀巨伯遠視友人疾值胡賊攻郡友人語巨伯曰吾今死矣子可去巨伯曰遠來相視不顧而去敗義以求生豈巨伯所行邪賊既至謂巨伯曰大軍至一部盡空爾何男子而

敢獨止巨伯曰友人自疾不忍委之寧以我身代友人命
則相謂曰我輩無義之人而入有義之國逐班軍而還一
郭並獲全

周翼者郿鑒之外甥也值永嘉亂鑒甚窮餒鄉人以其名
德共飲食之鑒嘗携兄子邁及翼往食郿人曰各自飢困
以言之賢歆共濟君耳恐不能兼有所存鑒於是獨往食
輒含飯著兩頰邊還吐與二兒欲其鼓氣不絕也後並得
存同過江鑒亡翼為剡縣解職歸寢苦枕塊服喪終三年
而去 俱世說新語

周處字子隱陽羨人少年豪橫鄉里畏惡之一日謂父老曰
當此豐年胡為不樂父老歎曰三害未除何樂之有處請

問其目父老曰山有猛虎川有長蛟并予為三害處乃入
山射虎入水斬蛟退而悔悟改過遷善勵志好學遂踐顯
位卒為忠臣方處受命西征也孫秀勸以母老先行處曰
既辭親事君豈能復顧家乎及梁王授兵五千使當先驅
力戰終日斬首萬級弦盡矢竭而救不至左右勸其退處
曰此是吾效死之地何退之有古者良將受命出門以出
者蓋有進而無退也我為大臣以身徇國不亦可乎遂力
戰而死嗟乎處之始終如此始也貽患於鄉黨人羞與為
偶終焉死節於國舉世咸以為難誠可深嘉而永歎也

將鑑博議

袁粲母王氏太尉長史誕之女粲幼孤伯叔並當世顯而

繫飢寒不足正以須臾便朝之後繫自於孝之至而外漢
爽與出賣博和頭流血皆碎死自此繫與人語有誤道
眇目皆輕齊法爾自及擊其重且恒懼其及禍每切切戒
之繫故自抑損遇遷官抑固讓不拜毋亡後繫為尚書令
領丹陽戶齊方革命繫圖舉兵討賊褚淵密以其謀告蕭
道成事敗被殺死于石頭城繫謂其子晁曰本知一卒不
能止大厦之前但以名義至此耳晁時年十七叫號抱父
乞先死兵士人人墮涕繫曰我不失忠臣汝不失孝子後
何恨乎百姓諺曰可憐石頭城寧為索繫死不作褚淵生

金陵志

宋謝晦為右衛將軍權遇己重自彭城還家賓客輻輳兄謝

瞻驚曰此豈門戶之福邪乃以離隔門庭曰吾不忍見此
及晦有佐命功瞻意憂懼遇病不療而卒晦果覆其宗顏
竣於孝武有功貴重其父延之語之曰吾平生不喜見要
人今不幸見汝且汝出冀土之中并雲霄之上遽驕傲如
此其能久乎竣竟為孝武所誅瞻與延之可謂賢父兄矣
褚淵助蕭道成篡宋淵從弟詔謂淵子賁曰不知汝父將
一家物又與一家亦復何增及淵為司徒詔數曰門戶不
幸乃復有今日之拜淵卒賁耻其父失節服除遂不襲爵
屏居終身齊王晏助明帝奪國從弟思遠曰兄將來何以
自主若及此引決猶可保全門戶及拜驃騎將軍集會子
弟晏曰隆昌之事門戎勸吾自裁若從其語豈有今日耶

思遠曰如阿戎所見今猶未晚晏怒曰世豈有勸人死者
晏果為明帝所誅炤責思遠可謂賢子弟矣 容齋續筆

宋順帝時倉曹參軍邊榮為府錄事所辱沈攸之為榮鞭殺
錄事且以榮為司馬守城張敬兒將至人或說榮使詣敬
兒降榮曰受沈公厚恩一朝緩急便改易本心不能也城
敗見執敬兒問曰邊公何為同人作賊不早來降榮曰沈
荊州舉義兵匡社稷身雖可滅要是宋世忠臣天下尚有
直言之士不可謂之為賊榮本不斬生何須見問敬兒曰
死何難命斬之榮歡笑而去容無異色太山程邈之者素
依榮至是抱持榮謂敬兒曰君入人國不聞仁惠之聲而
先戮義士三楚之人寧蹈江漢而死豈肯與將軍同日以

生敬兒曰求死甚易何為不許先殺邑之然後殺榮三軍

莫不垂泣 高義錄

謝述字景先少有至行隨兄純在江陵純遇害述奉純喪還都遇暴風喪舟漂流不知所在述乘小舟尋求純妻庾氏泣曰小郎去必無及豈宜存亡俱盡邪述號哭曰若兄柅安全尚須營理如其已致意外述亦無心獨存因冒浪進見喪舟幾沒述號叫呼天幸而獲免咸以為精誠所致次兄景仁素憎述及景仁病述盡心視湯藥飲食必嘗而後進衣不解帶不置櫛者累旬景仁深感愧友愛遂篤

董僧慧者齊晉安王子懋門客也子懋欲起兵赴難入討君側之惡于瑤之馳告明帝帝即遣瑤之往潯陽以袖障面

害于懋既死故人懼罪無敢至者惟僧慧號哭盡哀中護
軍王玄邈知其豫謀執欲殺之僧慧曰晉安王舉義兵僕
實豫議古人云非死之難得死之難僕得為主入死不恨
矣但俟主人歛畢退就湯鑊雖死猶生也玄邈義而許
之子懋之子名昭基方九歲以三寸絹為書探父消息并
遺錢五百募人崎嶇得至僧慧親書對錢曰此吾郎君書
也一慟而卒 俱南史

梁庾沙彌晉司空冰六世孫也父佩玉仕宋為長沙內史坐
沈攸之事被誅時沙彌始生及年五歲所生母為製彩衣
輒流涕曰家門禍酷用是何為不肯服及長終身布衣跡
食嫡母劉氏寢疾晨昏侍側衣不解帶或應針灸輒以身

先試嫡母卒水漿不入口累日初進大麥經十旬方為薄粥終喪不食鹽鮮冬日不衣綿纈夏日不解絰不出廬戶晝夜號慟隣人不忍聞所坐薦淚沾為爛劉生時好啖甘蔑沙彌至是遂終身不食焉梁武帝嘉之除邵陵王叅軍隨府會稽復丁所生憂喪還都濟湖江中派遇風舟將覆溺沙彌抱柩號哭俄而風靜咸以為孝感所致 金陵志顧協字正禮少清介有志操梁武帝時初為建尉正冬服單薄寺卿蔡法度歆解襦與之憚其清嚴不敢發口謂人曰顧郎體寒如此欲遺之襦柰其一介不苟取何及歎同官者皆潤屋協在者十六載器服飲食不改於常有門生始來事協知其廉潔不敢厚餉止送錢二十協發怒拒之因

此饋遺遂絕自丁艱憂終身布衣蔬食少時將聘舅息女
未成婚而協母亡免喪不能復娶年近五十此女猶未他
適協義而迎之相敬終身 南史

吉玢字彥霖馮翔人梁天監初父為吳興令為吏所誣逮詣
廷尉玢年十五號泣衢路求請公卿見者皆為隕涕其父
耻為吏訊虛自引伏罪當大辟玢搥登聞鼓乞代父命武
帝以其童幼疑受教於人敕廷尉嚴加脇誘審其真偽廷
尉乃盛陳獄具厲色問曰爾代父死敕已相許便應伏法
玢欣然不惧廷尉曰刀鋸至劇審能死否且爾童孺志不
及此必為人所教玢曰囚雖愚弱豈不知死可畏憚顧諸
弟幼藐唯因為長不忍見父極刑所以內斷骨髓上千萬

乘今機委骨泉壤與非細故奈何受人教邪叩頭請死
不易辭建時以聞帝兩宥之丹陽尹王志驚聞茲事欲舉
充純孝扮曰父辱子死吾分所宜若應此舉則是因父買
名固拒而止 十七史

張彪亡命若耶山中梁以為中兵叅軍後為東揚州刺史陳
文帝入會稽彪擊走之麾下沈奉中進等共叛彪歸陳彪
敗與弟崑崙及妻楊氏還入若耶山中一大名黃蒼在彪
前後彪甚愛之文帝遣章昭達領兵攻彪且知楊氏有美
色欲併圖之兵至黃蒼便噓一人中喉死彪謂兵曰卿但
可取我頭誓不生見陳主也兵即殺彪并其弟首致於昭
達遂稱文帝旨以兵衛楊將納之後宮楊遂改啼為笑謂

昭達曰願殯彪而後往殯畢黃蒼俯伏塚間日夜號叫不肯離去楊還經彪宅謂昭達曰婦人本在容貌今幸苦日久請暫過宅粧飾昭達許之楊既入室遂割髮毀面哀哭慟絕誓死不行文帝聞其志節嘆息良久乃不敢強因許為尼彪起於若耶終於若耶其妻與犬皆為時所異云

會稽志

陸彦師字雲房少以行檢稱及長好學解屬文魏襄城王元旭引為參軍以父難去職哀毀殆不勝喪與兄印盧於墓次鄉人重之皆就墓側存問晦朔之際車馬不絕兄印當喪父始平侯以彥師昆弟中最幼其表讓封彥師固辭而止世稱友悌孝義總率一門印字雲駒齊文宣天保初授

又部郎中遺母喪哀慕毀悴遂至沈篤頃伏牀枕又薦屢
疾第五弟搏遇疾臨終謂彥師曰大兄疴病如此性至慈
愛搏之死日必勿使大兄知之哭聲必不可使之聞致有
感動家人至於祖戴方始告之卽聞而悲痛一慟便絕

北史

北齊宦者田鵬鸞本蠻人也年十四五初為閭寺便知好學
懷袖握書晚夕諷誦及親古人節義之事未嘗不感激沈
吟久之後被賞遇賜名敬宣位至侍中後主奔青州遣其
西出叅伺動靜為周軍所獲問齊主何在紿云已去計當
出境周軍不信捶撻無算終不易辭每折一肢辭色愈厲
竟斷四體而卒蠻夷童稚猶能以學成忠齊之將相不遜

敬宣遠矣

顏氏家訓

汲冢東郡梁城人為兗州從事刺史李式坐事被收諸吏皆送至河上時式子憲生始滿月式大言於衆曰程嬰杵臼何如人也固曰今古豈殊遂潛還不顧徑入城中直詣式婦房闢抱憲歸藏及捕者至收憲家屬乃以婢產一男作憲授之事泄固攜憲逃遁他郡遇赦始歸憲至十餘歲不知其故恒呼固夫婦為父母既長告之痛哭而去後高祐為兗州刺史嘉固節義以為主簿北史

杜預毗字子衡其先京兆人徙居襄陽早歲而孤事母以孝聞性慷慨有志節勵精好學叔毗兄君錫為記室參軍嘗策惠而殺之叔毗內懷憤悅志在報讐然恐違朝憲遂

其母沉吟積時未發母知其意謂叔曰汝兄橫罹禍
痛切骨髓若曹某朝死吾雖夕殛亦所甘心叔毗拜受母
言遂白日手刃策于京城斷首剖腹解其肢體然後面縛
請就戮周太祖嘉其志命赦之

周書

山觀感錄卷之三

崑山方 麟 編集

西蜀張元電校刊

隋 唐

李士謙字士約趙郡人也髫髻亂失父事母以孝聞母嘗嘔吐
疑為中毒因絕而嘗之隋有天下畢志不仕徵辟皆不就
李氏宗黨豪盛每至春秋二社必高會極歡無不沉醉嘗
集士謙所特為設黍曰孔子稱黍為五穀之長荀卿亦云
食先黍稷古人所尚客可違乎少長肅然不敢弛情家富
於財躬處節儉每以賑施為務州有兄弟分財不均至相
鬩訟士謙聞而出財補其少者兄弟愧懼卒為善士其叔

嘗與鄉人董震因醉角力震扼其喉斃於手下震惶懼請罪
士謙曰君本無殺心何為相謝然可遠去無為吏所拘執其
後出粟數千石以貸鄉人值年穀不登債家無以償士謙燔
契曰幸勿為念年又大饑士謙竭家資為糜粥賴以全活者
萬計或謂士謙曰子多陰德士謙曰所謂陰德者譬猶耳鳴
已獨聞之人無知者今吾所作吾子皆知何陰德之有北吏
元氏華陽王楷妃也河南人父為黃門侍郎妃有姿色性婉
順初選為王妃未幾而楷被幽廢妃事楷逾謹每見楷有
憂懼之色輒陳義理以慰諭之楷甚敬焉及江都之亂楷
遭字文化及之禍以妃賜其黨元武達武達初以宗室之
禮置之別所不敢犯後囚醉而逼之妃誓不受汚武達怒

隄之百餘妃辭色愈厲終不屈因取鏡自毀其面血淚交
流武達慚而釋之北謂其徒曰我不能早死致令此輩侵
辱我之罪也遂不食而卒 揚州誌

王頌字景考太原人其父為陳武帝所殺隄而絕食頌乃
蘇天泣不絕聲毀瘠骨立至服闋常布衣蔬食簪素而卧
開皇初獻取陳之策及大舉伐陳頌自詣行力戰被傷夜
夢有人授藥比寤而瘡不痛時人以為孝感及陳滅頌密
召父時士卒千餘人對之涕泣舉問頌曰即君來破陳國
讐耻已雪而悲亦不止者將為霸先早死不得手刃之邪
請發其丘壟斷壞焚骨亦可伸孝心矣頌伏地陳謝額盡
流血於是夜發其陵剖棺焚骨取灰提水而飲之有司錄

其戰功將加爵賞頌固辭曰臣緣國威靈幸復父讐本狗
私心非獨為國所加爵賞終不敢當 隋書

王義方泗州人少孤且寡事母至孝高祖朝舉明經詣京師
客有徒步疲于道者自言父宦遠方病且革欲往省因不
能前義方解所乘馬遺之不問姓名而去太宗朝補晉王
府參軍直弘文館魏徵異之欲妻以夫人之姪請不娶徵
薨乃娶人問其故曰初不附宰相今感知已故也素善張
亮亮抵罪義方亦貶吉安永吉安介蠻夷梗悍不馴義方
猶選生徒為開陳經書人人悅順久之徙涇水丞而亮兄
子皎自朱崖來依將死諉托妻子且欲以死歸蓋義方許
之使奴負輶輟已馬以載皎妻身步從之既至皎原武歸

妻其家而告亮墓乃去顯慶元年擢侍御史不再旬會李
義府縱大理囚婦迫其承畢正義縊死無敢白其姦義方
欲劾奏之意必得罪問計於母母曰汝能盡忠吾死不恨
義方即上言陛下輦轂之下奸臣肆虐殺人滅口此生殺
之柄不自主出而下移使臣履霜堅冰彌不可長請下有
司雜治正義死狀即具法冠對伏三叱義府下跪讀所言
帝方安義府狡佞恨義方以孤士觸宰相貶萊州司戶叅
軍歲終不復調往客呂舉敗徒教授母喪隱居不出 鄭志
契苾何力胡人也貞觀六年率衆內屬其母與弟尚在涼州
何力乞往視詔許之時薛延陀毗伽方彊乃脅其母弟以
招之何力拒曰我義許國不可行衆執之至毗伽帳下何

力箕踞拔佩刀東向呼曰有唐烈士受辱賊廷耶天地日月臨鑒吾志即剖左耳誓不屈毗伽怒欲殺之其妻諫乃止何力被執也或告帝曰何力入延陀如涸魚得水必不至矣帝曰此人必不負我會使至言狀帝泣下即詔許延陀尚主因求何力乃得還公主行有日何力諫不可帝曰天子無戲言既許之奈何何力曰禮有親迎宜詔毗伽身到京師或詣靈武彼畏臣必不敢來則姻不成必憂憤而死矣後果如其策帝征高麗詔何力為前軍總管次白崖城中得刺何力者帝送何力有殺之辭曰彼為其主冒白刃以刺巨此義士也犬馬猶報其養況於人手卒捨之虜

魏氏江都人樊老琛妻老琛病魏曰公病且篤不忍公獨死

顧相從於地下老琛曰死生常道也幸養諸孤使成立相
從而往非吾所欲也老琛卒值徐敬業難其子從軍而毋
隨之軍將聞其知音召令鼓箏魏曰夫士不死而逼我管
絃禍由指發即以刀斷其指卒不為鼓軍中欲強妻之固
拒不從以刀礪其頸曰從我則不死魏厲聲曰狗盜乃欲
辱人耶速死吾志也遂遇害聞者傷之

郡志

陸南金字李孫松江人也為鄞令以憂家居開元初少卿盧
崇道獲罪徙嶺南逃還素知南金長者乃偽稱吊客突入
而道其情南金匿之俄事覺詔御史捕按南金當連坐重
法第趙璧詣御史自言匿崇道者我也兄實不知敢請死
南金固言第自誣不情御史怪之趙璧曰毋未葬妹未歸

兄能辦之我生無益不如死御史驚上狀玄宗皆有之
金和書史據履謹飭張說陸象先稱其賢云 高義錄

郭仲翔肅宗時李蒙為姚州都督表為判官時仲翔里人吳
保安久未得調仲翔哀其窮力薦於蒙復表為掌書記後
蒙深入與蠻戰死仲翔亦被執蠻求千緡乃肯贖保安營
贖仲翔苦無貲乃力居貨數年得緡七百都督楊安居異
其事引與語曰子棄官棄家急朋友之患至是乎乃以官
賞助之滿千緡保安即妻蠻贖仲翔以歸後仲翔為代州
戶曹母喪服除歎曰吾賴吳公得生今親歿可行其志矣
時保安以彭山丞客死其妻亦歿喪不克歸仲翔為服纁
經囊其骨徒跣負之歸塋廬于墓上後為嵐州長史迎保

安子爲之娶而讓以官

五論書

初安祿山表權皋入幕府皋度祿山必反以其猜雪不可諫
欲行慮禍及母因獻俘京師在道詐死既含飲而逸去皋
母謂實死慟哭感行客故祿山不疑歸其母皋潛奉侍晝
夜南奔既渡江而祿山反矣甄濟居青巖山五辟十詔皆
不起安祿山入朝求濟於玄宗授范陽掌書記濟不得已
而起察祿山有反謀不可諫因陽嘔血不支昇歸舊廬祿
山封刀使人召之曰即不起斷其首來濟引頸待之使以
實病告而止有元正者在河南幕府史思明陷河洛羣父
匿山中賊以名召之正度事急謂弟曰賊祿不可養親彼
利吾名難免矣然不汙身而死吾猶生也賊既得之誘以

高佐正瞋目固拒兄弟皆遇害父聞仰藥死事平詔錄其節十一姓而正為首與舉濟皆贈秘書少監予謂舉濟得生而正一門皆併命唐史不載其事使正之名寂寥不顯為可恨也有張誠者以左武衛將軍分司東都屬安祿山陷洛京以偽職淫刑脅劫士庶誠與同官盧吳潛遁于陸渾山食木實飲泉水者二年訖不為逆命所汙肅宗詔河南禮訪不仕賊庭隱藏山谷者得六人以應詔誠與吳在焉繇是名節聞于朝優詔褒美 容齋三筆

僕固懷恩平安祿山之亂功勲居多以程元振忌之遂反朝廷發兵擒殺其子瑒於榆次懷恩聞之入告毋毋曰吾語汝勿反國家待汝不薄今禍必及我懷恩不言而出毋提

刀逐之曰吾為國家殺此賊取其心以謝三軍懷恩疾走得免代宗命輦其母至長安給待優厚以壽終禮葬之唐書賈直言河朔人代宗時父道冲坐事賜醵將死直言給其父曰當謝四方神祇使者少怠輒取醵代飲迷而踣明日毒潰足而出父乃蘇帝憐之咸父死俱流嶺南直言後署李師道府屬及師道不執提刀負棺入諫曰願前死不見城之破也師道怒囚之劉悟入釋其禁悟每有過必爭故悟能以臣節光明于朝悟死其子從諫不發喪直言入責曰父死不哭何面目見山東義士乎從諫曰欲反耳直言仰天哭曰爾父提十二州歸朝廷為功臣今日乃欲反邪吾先請死從諫拜曰惟大夫是命由是謹脩臣節軍中遂安

杜羔之父任河北尉而卒母繼無歸不知所往羔徧求不獲
憂號終日從兄羔任澤潞判官羔隨以行欲以訪母羔嘗
鞠獄于庭羔在側有一老嫗見羔竊語曰此少年狀貌甚
類吾夫左右以告詰之乃羔母也相抱號哭迎侍而歸又
往河北訪父墓邑中故老無存者館于佛寺日夜悲泣忽
於屋柱下見字數行拂視之乃父遺跡云我子孫若求吾
墓當於某村某家問之羔哭而往果有父老年八十餘指
其丘隴因得歸葬人以為孝感所致 五倫書

尚宮宋若昭世以儒聞父建芬能辭章生五女皆警慧善屬
文長若莘次若昭若倫若憲若荀皆性尚高潔不喜薰澤
亦不願歸人欲以學名家若莘誨諸妹如嚴師著女論語

十篇大抵準論語推明婦道若昭又為傳中釋之貞元中
李抱貞表其才德宗召入禁中高其風操不以妾侍命之
特呼學士自貞元七年秘禁圖籍詔若羣領後卒拜若昭
尚宮嗣若羣之職歷憲穆敬三朝皆呼先生后妃與諸王
公主率事之以師禮寶歷初卒若憲代司秘書文宗尤禮
重之

本傳

李氏二女者太白之孫也觀察使范傳正與白有世契元和
中訪白後于富塗得二女已為編民陳雲劉勸妻因召至
郡庭相見與語衣服零落形容朴野而進止應對之間閑
雅詳諦傳正為之法然因云先祖志在青山遺言宅兆頃
屬多故權厝龍山非祖本意且日就摧圯遷改無力傳正

乃如其請改塋白于青山之陽又欲以二女別適士族二女曰夫婦之道命也在孤窮既失身下俚仗威力又求援他門死何面目見大父于地下偷安敗類所不忍聞傳正不奪其志為之復并稅免徭役 墓碑

石演芬事李懷光為假子懷光與朱泚連和為逆演芬使客郇成義赴行在密言懷光有異志成義走告懷光捕之罵曰爾為我子奈何欲破吾家今日負我宜即死對曰天子以公為股肱公以我為心腹今公乃負天子我何得不負公耶我胡人無異志惟知事一人耳死固吾分復何說哉懷光使軍士齎食之 錦繡萬花谷

顏泉明者泉鄉之子也初果鄉與袁履謙同死國難泉明購

尸將葬得刑者言死時一足先斷與履謙同坎瘞且指其處得之乃殯殮二屍分柩護還長安泉明有孝節喜賑人之急從父真卿為蒲州刺史令泉明到河北求宗屬始姑之女及已之女並流離賊中至是并得之悉錢三萬先贖姑女還然後取贖復往則已女復失之矣履謙及父妻子奴僕隸尚三百餘人轉徙不自存泉明力為贍給相扶挾度可履謙妻疑夫飲其儉薄發視之與某卿無異乃號踊待泉明如父後泉明為郛縣令政化清明居官廉苦孤藐相從百口飢粥不給了無愠歎居母喪哀毀骨立其行義當世以為難

本傳

董昌齡母楊氏吳元濟時昌齡為吳房令母常密誡曰逆順

成敗見可圖之昌齡未決元濟又署為郾城令楊復誠曰
逆黨欺天天所不福汝當速降無以老母為念汝為忠臣
吾雖歿無恨矣昌齡乃以城降且說賊將鄧懷金歸款憲
宗聞之喜急召昌齡拜監察御史昌齡謝曰此皆老母之
訓憲宗嗟歎良久元濟因楊氏欲殺之不果蔡平封北平
郡太君 列女傳

歧陽公主工部尚書杜悰之配也始宰相權德輿有壻獨孤
郁有才帝命宰相曰我有嫡女既笄可嫁德輿得壻如此
我豈不得耶可求其比丞相以悰奉詔帝既召見與語大
悅以主下嫁于悰主實憲宗嫡女穆宗母妹敬宗親姑尚
父汾陽王子儀外曾孫也杜氏本大族主卑委怡順奉上

撫下終日場場屏息拜起一用家人禮度無驕貴之態二十餘年人未嘗有絲髮間言嘗與棕謀曰上所賜奴婢必不肯窮約事我請奏納之上嘉歎良久乃自買寒賤可制指者自是閉門寂然不聞人聲棕惟讀書主職婦事承奉大族歲時獻饋吉凶賻助必親自經手縉紳間稱棕為賢臣主為賢婦後棕出為澧州刺史遣人迎主郡縣聞主且至殺牛羊為數百人供具主從者不二十八六七婢乘驢聞葺約所至不得肉食驛吏昇飲食候門外卒載以返京師譁說以為異事琮在澧三年主始入後出中間不識刺史廳屏姑涼國太夫人寢疾主奉養蚤夜不解帶親自嘗藥粥飲不經手一不以進既卒哭泣哀號感動外人棕後

為忠武軍節度使所治許州屋室卑痺主居無正堂處東
偏屋恬然安之凡六年許人禁傲無狀恂治外主治內帖
帖以寧恂所至必稱為名公偉人主實有內助焉穆宗待
主尤為親信主俯首益卑車服侍使愈自貶抑覲謁溫清
外口不言他事當貞元時德宗行姑息之政王武俊王士
真張孝忠子聯為國婿皆挾恩怙勢聚少俠狗馬為事日
遮截馳道縱擊平人豪取民物官不敢問戚里相尚不以
為異自主降于杜氏獨能循禮守法諸國戚初怒中笑後
皆敬畏帝亦每每指示主德以警誡之戚里亦皆歛緝卒
謚莊淑

崔氏名桂娘父良建中初為汴州戶曹掾桂娘美顏色讀書

甚有文季希烈使甲士至良門取桂娘為妻良不敢拒桂娘持出門顧良曰父慎無戚必能成賊使大人取富貴於天子桂娘既以才色在希烈側復能委曲取信凡希烈之審謀雖妻子不知者悉皆得聞桂娘嘗謂希烈曰公之一軍智勇莫如陳先奇其妻竇氏先奇寵且信之願得往來以姊妹叙舊因徐說之使堅先奇之心希烈然之桂娘以妹禮事先奇妻常間謂曰賊克殘不道必敗姊宜早圖先奇妻諾之未幾希烈暴死其子不發喪欲盡誅老將校以反有獻合批者桂娘分遺先奇妻因以牒書曰希烈已死殯在後堂欲誅大臣須自為計以朱柔帛丸如合批先奇發丸見之言於薛育曰兩日希烈稱疾但恹樂聲晝夜不

絕此乃其謀未定故不發喪耳明日先奇降育各以所部
兵陳於衙門請見希烈希烈子窮迫出拜先奇曰爾父博
逆天子有命因斬希烈及妻與子函七首獻之於朝后吳
少誠殺先奇知桂娘謀因亦殺之夫桂娘一女子耳誠知
去就逆順之理明也肯事希烈權也好先奇妻智也終能
戒賊不顧其私烈也六尺男子有祿位者當希烈反叛與
之上下者衆矣此豈才力不足耶蓋無義理之勇耳義理
苟至雖一女子可以有成也 俱文英華